



Rekursu Prevensaun Programa Nabilan Nian

FOLLA INFORMATIVA 1. PRÁTICA DI'AK IHA PREVENSAUN VIOLÉNSIA HASORU FETO

Atualizadu Dezembru 2016

Peskiza no avaliasaun globál iha área prevensaun violénsia hasoru fetu ne'ebé halo durante tinan 20 foin kotuk ba nia laran hetan aprosimasaun sira-ne'ebé **efetivu** no **la'ós efetivu**. Folla informativa ida-ne'e sumariza komponente xave hosi aprosimasaun prevensaun violénsia efetivu no la efetivu iha kontestu Timor-Leste nian.

Aprosimasaun efetivu ida mak:

- ✓ Lidera liuhosi Timor-oan sira;
- ✓ Funsiona ho nivel sosiedade Timorensen tomak, ho mane no fetu sira;
- ✓ Haree ba kontestu no kultura Timor-Leste nian;
- ✓ Rekoñese katak desigualdade entre mane no fetu sira mak kauza prinsipál ba violénsia hasoru fetu no konsidera mós fatór sira ne'ebé asosiadu ho violénsia ne'e (haree lai Folla Informativa 4);
- ✓ Dezafia sosiedade nia aseitasaun ba violénsia hasoru fetu no labarik sira iha Timor-Leste;
- ✓ Analiza ligasaun entre jéneru no kbiit no iha nia fundamentu iha teoria feminista;
- ✓ Halo reflesaun krítiku kona-ba maskulinidade iha Timor-Leste;
- ✓ Harii hela lideransa iha comunidade, organizasaun, instituisaun no setór privadu hodi lori mudansa sosiál bá oin;
- ✓ Harii hela hosi buat ne'ebé mosu hela no la'o di'ak ona;
- ✓ Hetan matadalan no lideransa liuhosi comunidade lokál sira;
- ✓ Dezenvolve bazeia ba dados lokál no evidénsia, no iha nia abut iha teoria;
- ✓ Sei tulun Timor-oan sira atu fiar katak violénsia bele prevene;
- ✓ Uza abordajen pozitivu ne'ebé iha foku ba benefísiu, ba ema hotu hotu, hosi hahalok la'ós-violentu (naun-violénsia);
- ✓ Enkoraja ema atu partisipa ativamente no hanoin krítiku kona-ba sira-nia atitude no hahalok rasik;
- ✓ Hakbiit no fó oportunidade ba fetu sira;
- ✓ Envolve no halo mane sira responsavel;
- ✓ Liga ho Rede Referál atu haforte resposta hosi servisu legál no apoiu sira;
- ✓ Governu Timor-Leste apoia, finansia, no hola parte iha mudansa sosiál ne'e;
- ✓ Konsidera fatór sira-seluk tan ne'ebé asosiadu ho violénsia, inklui fetu sira-nia idade, rendimentu, no estadu ka kondisaun nu'udar ema ho defisiénsia.

Aprosimasaun la efetivu:

- × Halo de'it siklu atividade sosializasaun ba tempu badak de'it ne'ebé planeadu ladi'ak, no hala'o dala ida-de'it;
- × Fornese comunidade sira ho formasaun, faktu no informasaun báziku de'it kona-ba violénsia hasoru fetu no lei, no laiha prosesu hasa'e kapasidade nu'udar akompañamentu;
- × Iha foku ba estratéjia hodi muda hahalok individuál ho alvu ba grupu espesífiku ketaketak;
- × Fó-sala ba vítima nia hahalok hanesan buat ne'ebé provoca ka justifika violénsia;
- × Fó resposta ba violénsia hanesan insidente izoladu, no la haree ba nia ligasaun ho fatór sira-seluk;
- × Uza aprosimasaun negativu ida-ne'ebé fó-sala no hamoe, nomós iha foku ba kastigu;
- × Falta koñesimentu kona-ba comunidade no kultura lokál;
- × Falta komprensaun kle'an kona-ba norma sosiál lokál;
- × Laiha fundamentu iha análise krítiku feminista nian;
- × Lidera de'it hosi ema matenek-na'in ka peritu esternál;
- × Asaun laho análise kolektivu;
- × Hala'o liuhosi organizasaun espesífiku de'it, laiha kolaborasaun ho ema seluk;
- × Programa sira mak determinada liuhosi kompetisaun ba fundus;
- × Iha foku ba mudansa individuál envezde mudansa iha comunidade tomak.

(Michau et al 2015, Neville 2015, Heise 2011, Jewkes 2014, Temmerman 2014, Ellsberg 2014).

Atu hatene informasaun liután kona-ba Rekursu Prevensaun ne'e, kontaktu ba:

Xian Warner | Koordinador Prevensaun, Programa Nabilan: Hapara Violénsia hasoru Fetu
Fundasaun Ázia | Xian.warner@asiafoundation.org | +670 331-3457